

# ივანე ჯავახიშვილის სახელობის თბილისის სახელმწიფო უნივერსიტეტი

## ეკონომიკისა და ბიზნესის ფაკულტეტი

### 2008-2009 წლის გაზაფხულის სემესტრი

#### ინდივიდუალური სადოქტორო პროგრამა

1. სადოქტორო პროგრამის სახელწოდება – **საერთაშორისო ეკონომიკური ურთიერთობები**
2. მისანიჭებელი აკადემიური ხარისხი - ეკონომიკის დოქტორი (PhD in Economics)
3. სადოქტორო პროგრამის ხელმძღვანელი – თსუ ეკონომიკისა და ბიზნესის ფაკულტეტის დეკანის მოადგილე, საერთაშორისო ეკონომიკის კათედრის ხელმძღვანელი, ემდ, პროფ. ლარისა დიმიტრის ასული ყორღანაშვილი
4. სადოქტორო პროგრამის საკვალიფიკაციო დახასიათება:

#### პროგრამის მიზანი

“საერთაშორისო ეკონომიკური ურთიერთობების“ სადოქტორო პროგრამის მიზანია მოამზადოს მაღალკვალიფიციური პროფესიონალი საერთაშორისო ეკონომისტები და ექსპერტები, რომლებზეც დიდი მოთხოვნაა საგანმანათლებლო დაწესებულებებსა და საერთაშორისო ეკონომიკურ საქმიანობასთან დაკავშირებულ ყველა ტიპის სახელმწიფო და ბიზნეს-სტრუქტურებში. სტუდენტები შეიძენენ საერთაშორისო ეკონომიკური ურთიერთობების ღრმა თეორიულ ცოდნას და აითვისებენ გამოყენებითი ხასიათის კვლევისათვის აუცილებელ მეთოდოლოგიას, გლობალური ეკონომიკისა და საერთაშორისო ეკონომიკური თანამშრომლობის თეორიულ საფუძვლებს, ასევე, საერთაშორისო ეკონომიკური ურთიერთობების პოლიტიკურ, სოციალურ და ეთიკურ მხარეებს.

საერთაშორისო ეკონომიკური ურთიერთობების სადოქტორო პროგრამით სპეციალისტთა მომზადების აქტუალურობა განპირობებულია გლობალიზაციის პროცესების ინტენსიფიკაციითა და საქართველოსათვის საგარეო ფაქტორის დიდ მნიშვნელობაზე.

გლობალურ ეკონომიკური სივრცეში სუვერენული სახელმწიფოს ეფექტიანი ინტეგრირების პროცესების, საერთაშორისო ეკონომიკური ურთიერთობების განვითარების მეცნიერულ კვლევას, აგრეთვე მეცნიერულად დასაბუთებული საერთაშორისო ეკონომიკური პოლიტიკის რეალიზაციას, მაღალი დონის სპეციალისტები სჭირდება. სწორედ ასეთი სპეციალისტების

მომზადებას ემსახურება საერთაშორისო ეკონომიკური ურთიერთობების სადოქტორო პროგრამა.

პროგრამის გამოკვეთილი თავისებურებაა ინტეგრირებული ცოდნის მიღების შესაძლებლობა. იგი მოიცავს თემებს ისეთი სფეროებიდან, როგორებიცაა: ფილოსოფია, პოლიტიკა, ფსიქოლოგია, გლობალიზმი და ნაციონალიზმი, სტრატეგიული და ოპერატიული პრობლემები მსოფლიო ეკონომიკაში, სწავლების მეთოდები, სოციალური, პოლიტიკური და კულტურული პროცესების ზემოქმედება საერთაშორისო ეკონომიკურ ურთიერთობებზე.

პროგრამა ეყრდნობა საერთაშორისო და გლობალური ეკონომიკის თეორიებს. კურიკულუმი იძლევა საერთაშორისო ეკონომიკური პრობლემების გადაწყვეტისათვის აუცილებელი კვლევითი უნარ-ჩვევების დაუფლების შესაძლებლობას.

პროგრამის კვლევის სფეროა: წარმოების ფაქტორების საერთაშორისო მოძრაობა, გლობალური ეკონომიკა და ეკონომიკური უსაფრთხოება, საერთაშორისო ვაჭრობა, საერთაშორისო ფინანსები და ბანკინგი, ტრანსნაციონალური კორპორაციების სტრატეგია და ტაქტიკა გლობალურ ეკონომიკურ გარემოში, საერთაშორისო კონკურენცია და ქვეყნების კონკურენტუნარიანობა, ქვეყნებისა და რეგიონების ეკონომიკური ზრდა და განვითარება, სხვადასხვა ქვეყნის საგარეო ეკონომიკური ურთიერთობები, ტექნოლოგიების საერთაშორისო ტრანსფერი, გლობალური ეკონომიკური პრობლემები და სხვა.

## **გ) პროგრამის შედეგი**

ეკონომიკის დოქტორის აკადემიური ხარისხი ენიჭებათ სტუდენტებს, რომლებსაც:

- აქვთ ფუნდამენტური თეორიული, სპეციალური და სისტემური ცოდნა საერთაშორისო ეკონომიკაში, შეუძლიათ ამ ცოდნის დამოუკიდებლად გამოყენება და პრობლემების გადაჭრა ორიგინალური გზით;
- შეუძლიათ პროფესიულ დონეზე საერთაშორისო ეკონომიკის სტრატეგიული მიზნების განსაზღვრა, ამოცანების დაგეგმვა და მათი რეალიზაცია;
- შეუძლიათ საერთაშორისო კონკურენტულ გარემოში მოქმედება, კრიტიკული მიდგომის საფუძველზე რთული, არასრული და წინააღმდეგობრივი მონაცემების ანალიზის განხორციელება, მიღებული შედეგების შეჯერება და სინთეზი, განზოგადებული დასკვნების გამოტანა, მიღებული გადაწყვეტილებების მკაფიო დასაბუთება შესაბამისი ცოდნითა და ლოგიკით;
- ექსპერტის დონეზე შესწავლილი აქვთ საერთაშორისო ეკონომიკის კვლევის მეთოდები და მეთოდოლოგია, შეუძლიათ მათი პრაქტიკული გამოყენება, აგრეთვე კვლევის ახალი მეთოდებისა და მიდგომების შემუშავება;
- გააჩნიათ საერთაშორისო ეკონომიკური ურთიერთობების საკითხებზე მეცნიერულად დასაბუთებული რეკომენდაციების შემუშავებისა და მათი პრაქტიკული რეალიზაციის უნარი;
- შეუძლიათ არსებული რესურსების ეფექტიანად გამოყენება, ჯგუფების მუშაობის დაგეგმვა და ხელმძღვანელობა;
- თეორიულად და პრაქტიკულად აქვთ ათვისებული სწავლების თანამედროვე ფორმები და მეთოდები;
- გააჩნიათ პედაგოგიური, კრეატიული, კომუნიკაციური, ინოვაციური საქმიანობის, მეცნიერული კვლევის, ახალი ცოდნის გენერირების უნარ-ჩვევები.

**დასაქმების სფეროები:**

პროგრამა პასუხობს იმ ადამიანთა ინტერესებს, რომელთაც სურთ პედაგოგიური და სამეცნიერო-კვლევითი მუშაობა. დოქტორანტებს შეუძლიათ დაიკავონ მაღალი თანამდებობები სახელმწიფო და არასამთავრობო, კერძო ეკონომიკური პროფილის სტრუქტურებსა და ორგანიზაციებში, საერთაშორისო კომპანიებსა და ორგანიზაციებში.

**სადოქტორო პროგრამაზე მიღების წინაპირობები:**

ინდივიდუალურ სადოქტორო პროგრამაზე მიღებიან ის მაძიებლები და ასპირანტები, რომლებიც სწავლობდნენ მსოფლიო ეკონომიკის, საერთაშორისო ეკონომიკური ურთიერთობების და საერთაშორისო ბიზნესის სპეციალობებზე და , რომელთაც მინიმუმის საგნები აქვთ ჩაბარებული ან/ და აპრობაცია აქვთ გავლილი. დოქტორანტურაში მათი ჩარიცხვა მოცდება მინიმალური სტანდარტით განსაზღვრული წესით.